

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), člana 33. stav (2) i člana 46. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na prijedlog Ministarstva zdravstva, Vlada Zeničko-dobojskog kantona, na 14. sjednici, održanoj dana 11.04.2023. godine, d o n o s i

ZAKLJUČAK

**o usvajanju Programa utroška sredstava planiranih u Budžetu
Zeničko-dobojskog kantona za 2023. godinu na poziciji
„Tekući transfer JU Kantonalna bolnica Zenica - Podrška za realizaciju Programa
finansijske konsolidacije i restrukturiranja JU Kantonalna bolnica Zenica
(za sufinansiranje specijalizacija i subspecijalizacija)“ Ministarstva zdravstva**

I.

Usvaja se Program utroška sredstava planiranih u Budžetu Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) na poziciji „Tekući transfer JU Kantonalna bolnica Zenica - Podrška za realizaciju Programa finansijske konsolidacije i restrukturiranja JU Kantonalna bolnica Zenica (za sufinansiranje specijalizacija i subspecijalizacija)“ Ministarstva zdravstva u iznosu od 3.000.000,00KM (slovima: trimiliona konvertibilnih maraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim Zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Broj: 02-_____/23
Datum, 11.04.2023. godine
Z e n i c a

Amra Mehmedić

DOSTAVLJENO:

1x Ministarstvo zdravstva,
1x Ministarstvo finansija,
1x JU Kantonalna bolnica Zenica, putem Ministarstva,
1x a/a

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA
ZA 2023. GODINU
NA POZICIJI „TEKUĆI TRANSFER JU KANTONALNA BOLNICA ZENICA -
PODRŠKA ZA REALIZACIJU PROGRAMA FINANSIJSKE KONSOLIDACIJE I
RESTRUKTURIRANJA JU KANTONALNA BOLNICA ZENICA
(ZA SUFINANSIRANJE SPECIJALIZACIJA I SUBSPECIJALIZACIJA)“
MINISTARSTVA ZDRAVSTVA**

Zenica, mart 2023. godine

I UVOD

1. Pravni osnov

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koristit će se prema programima utroška koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2023. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati, kriteriji.

Vlada Zeničko-dobojskog kantona je Odlukom broj: 02-11-17443/22 od 24.11.2022. godine („Službene novine Zeničko-dobojskog kantona“, broj: 22/22) odobrila Program finansijske konsolidacije i restrukturiranja JU Kantonalna bolnica Zenica i donijela Odluku o finansijskoj konsolidaciji i restrukturiranju JU Kantonalna bolnica Zenica broj: 02-11-17502/22 od 24.11.2022. godine („Službene novine Zeničko-dobojskog kantona“, broj: 22/22).

U Programu finansijske konsolidacije i restrukturiranja JU Kantonalna bolnica Zenica u dijelu 4.2. Mjere operativnog restrukturiranja za kontinuiranu edukaciju doktora (specijalizacije i subspecijalizacije) utvrđeni je izvor finansiranja (ostali izvori) za 2023.godinu i 2024. godinu u iznosu po 3.000.000,00KM.

Zaključkom Vlade Zeničko-dobojskog kantona broj: 02-11-17545/22 od 24.11.2022. godine zaduženo je Ministarstvo zdravstva da u budžetske zahtjeve za 2023. i 2024. godinu uvrsti sredstva potrebna za realizaciju Programa finansijske konsolidacije i restrukturiranja JU Kantonalna bolnica Zenica -sufinansiranje specijalizacija i subspecijalizacija, a Ministarstvo finansija da u Nacrte Budžeta Zeničko-dobojskog kantona za 2023. i 2024. godinu uvrsti zahtjeve Ministarstva zdravstva koji se odnose na realizaciju Programa finansijske konsolidacije i restrukturiranja JU Kantonalna bolnica Zenica.

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) planirana su sredstva u iznosu 3.000.000,00KM na poziciji Tekući transferi drugim nivoima vlasti (ekonomski kod 614100) – „Tekući transfer JU Kantonalna bolnica Zenica - Podrška za realizaciju Programa finansijske konsolidacije i restrukturiranja JU Kantonalna bolnica Zenica (za sufinansiranje specijalizacija i subspecijalizacija)“. Ministarstvo finansija je na zahtjev Ministarstva zdravstva za novu poziciju u Budžetu Zeničko-dobojskog kantona, radi lakšeg praćenja utroška sredstava utvrdilo subanalitiku (LAX014).

2. Naziv Programa

Sredstva tekućih transfera za zdravstvo sa pozicije Ministarstvo zdravstva Zeničko-dobojskog kantona koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2023. godinu na

poziciji „Tekući transfer JU Kantonalna bolnica Zenica - Podrška za realizaciju Programa finansijske konsolidacije i restrukturiranja JU Kantonalna bolnica Zenica (zasufinansiranje specijalizacija i subspecijalizacija)“ Ministarstva zdravstva (u daljem tekstu: Program).

3. Ciljevi Programa

Cilj donošenja Programa je finansijska podrška JU Kantonalna bolnica Zenica za realizaciju Programa finansijske konsolidacije i restrukturiranja JU Kantonalna bolnica Zenica u dijelu finansiranja specijalizacija i subspecijalizacija u skladu sa Programom finansijske konsolidacije i restrukturiranja JU Kantonalna bolnica Zenica („Službene novine Zeničko-dobojskog kantona“, broj: 22/22).

4. Izvori sredstava

U Budžetu Zeničko-dobojskog kantona za 2023. godinu na razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Transferi drugim nivoima vlasti“ planirana su sredstva u iznosu 5.457.000,00 KM, a u okviru ove grupe transfera na poziciji „Tekući transfer JU Kantonalna bolnica Zenica - Podrška za realizaciju Programa finansijske konsolidacije i restrukturiranja JU Kantonalna bolnica Zenica (za sufinansiranje specijalizacija i subspecijalizacija)“ planirana su sredstva u iznosu od 3.000.000,00 KM.

Sredstva će se realizovati donošenjem Programa i posebnom odlukom Vlade Zeničko-dobojskog kantona o odobravanju sredstava.

5. Korisnici Programa

Krajnji korisnik Programa i svrha odobravanja sredstava definisani su nazivom pozicije u Budžetu Zeničko-dobojskog kantona za 2023. godinu („Tekući transfer JU Kantonalna bolnica Zenica- Podrška za realizaciju Programa finansijske konsolidacije i restrukturiranja JU Kantonalna bolnica Zenica (za sufinansiranje specijalizacija i subspecijalizacija)“.

6. Kriteriji za raspodjelu sredstava

Programom je definisana dinamika transferisanja sredstava JU Kantonalna bolnica Zenica.

II PROGRAM

Članom 154. Zakona o zdravstvenoj zaštiti („Službene novine FBiH“, broj: 46/10 i 75/13) i Pravilnikom o specijalizacijama i subspecijalizacijama zdravstvenih radnika i zdravstvenih saradnika („Službene novine FBiH“, broj: 75/20 i 99/21) propisano je odobravanje specijalizacija i subspecijalizacija.

U skladu sa članom 11. stav (2) Pravilnika o specijalizacijama i subspecijalizacijama zdravstvenih radnika i zdravstvenih saradnika kantonalno ministarstvo zdravstva utvrđuje Prijedlog godišnjeg plana potrebnih specijalizacija i subspecijalizacija na osnovu potreba zdravstvenih ustanova i privatnih praksi sa područja kantona, a u skladu sa djelatnošću koju obavljaju i uz prethodno mišljenje nadležnog zavoda za javno zdravstvo i zavoda zdravstvenog osiguranja.

U skladu sa članom 11. stav (3) Pravilnika, konačan prijedlog godišnjeg plana potrebnih specijalizacija i subspecijalizacija, kantonalno ministarstvo zdravstva dostavlja Federalnom

ministarstvu zdravstva do kraja septembra tekuće godine za narednu godinu.

Federalno ministarstvo zdravstva u skladu sa članom 11. stav 4. i 5. Pravilnika donosi Plan potrebnih specijalizacija i subspecijalizacija zdravstvenih radnika za područja kantona do kraja decembra tekuće godine, za narednu godinu i dostavlja ga nadležnim kantonalnim ministarstvima zdravstva, koje isti dostavlja zdravstvenim ustanovama i privatnim praksama.

Federalno ministarstvo zdravstva aktom broj: 02-33-7714/22 od 27.12.2022. godine donijelo je Plan potrebnih specijalizacija i subspecijalizacija zdravstvenih radnika i zdravstvenih saradnika Zeničko-dobojskog kantona za 2023. godinu, kojim su JU Kantonalna bolnica Zenica odobrene 34 specijalizacije i 16 subspecijalizacija.

Isplata plaća propisana je članom 21. tačka c) Kolektivnog ugovora o pravima i obavezama poslodavaca i radnika u djelatnosti doktora medicine i stomatologije na području Zeničko-dobojskog kantona („Službene novine Zeničko-dobojskog kantona“ broj: 7/22) i članom 107. Pravilnika o radu JU Kantonalna bolnica Zenica na način da osnovna plaća specijalizanata na prvoj i drugoj godini specijalizacije iznosi 80%, a na ostalim godinama 90% osnovne plaće odgovarajućeg stepena složenosti za koji se osposobljava.

U skladu sa članom 20. Kolektivnog ugovora utvrđena je najniža neto satnica u iznosu 2,90 KM počev od 01.10.2022. godine, dok je u prethodnom periodu iznosila 2,60 KM (od 01.01. do 31.03. 2022. godine) i 2,70 KM (od 01.04. do 30.09.2022. godine).

Osnov za izradu Programa su podaci JU Kantonalna bolnica Zenica o troškovima specijalizacija i subspecijalizacija u 2022. godini i prva dva mjeseca 2023. godine.

Ukupni troškovi za specijalizante u 2022. godini (za prosječno 60 specijalizanata) su iznosili 3.682.032,65KM, od čega se na bruto plaće odnosilo 3.356.889,99KM, odvojeni život 91.232,85KM, topli obrok 124.010,87KM, regres 30.271,50KM, naknade za porođilje 5.094,15KM i trošak specijalizacije 66.565,89KM:

UKUPNI TROŠKOVI SPECIJALIZANATA ZA 2022 GODINU									
MJESEC	BROJ SPECIJALIZANATA	UKUPAN TROŠAK PLATE	ODVOJENI ŽIVOT	TOPLI OBROK	PREVOZ	REGRES	NAKNADA ZA PORODILJE	TROŠAK SPECIJALIZACIJE	UKUPNO
1	60	268,443.53	10,750.93	10,769.22	651.82	0.00	805.70	0.00	291,421.20
2	60	239,531.17	10,395.15	10,924.07	742.89	0.00	709.02	0.00	262,302.30
3	59	267,336.00	8,759.54	10,379.61	648.12	0.00	644.56	0.00	287,767.83
4	59	260,971.32	9,298.62	10,139.85	533.36	0.00	537.13	0.00	281,480.28
5	57	278,069.38	6,114.25	8,891.10	523.55	0.00	483.42	0.00	294,081.70
6	58	276,394.78	6,539.73	9,050.94	634.44	0.00	483.42	0.00	293,103.31
7	60	281,203.93	5,605.99	10,639.35	502.52	0.00	483.42	0.00	298,435.21
8	61	308,189.79	5,213.13	11,318.67	692.60	29,310.50	427.43	0.00	355,152.12
9	61	285,617.52	6,251.96	9,980.01	610.83	0.00	197.77	0.00	302,658.09
10	60	296,279.83	7,626.77	10,829.16	805.75	0.00	161.14	0.00	315,702.65

11	58	298,575.03	8,041.30	11,028.96	924.87	0.00	161.14	0.00	318,731.30
12	58	296,277.71	6,635.48	10,059.93	696.65	961.00	0.00	0.00	314,630.77
UKUPNO	711	3,356,889.99	91,232.85	124,010.87	7,967.40	30,271.50	5,094.15	66,565.89	3,682,032.65

UKUPNI TROŠKOVI SPECIJALIZANATA ZA 2023. GODINU									
MJESEC	BROJ SPECIJALIZANATA	UKUPAN TROŠAK PLATE	ODVOJENI ŽIVOT	TOPLI OBROK	PREVOZ	REGRES	NAKNADA ZA PORODILJE	TROŠAK SPECIJALIZACIJE	UKUPNO
1	58	306,137.46	4,740.47	11,595.02	855.21	0.00	0.00	0.00	323,328.16
2	59	260,602.16	6,638.13	10,717.99	559.54	480.50	0.00	0.00	278,998.32
UKUPNO	117	566,739.62	11,378.60	22,313.01	1,414.75	480.50	0.00	2,613.70	604,940.18

UKUPNI TROŠKOVI DOKTORA MEDICINE NA SUBSPECIJALIZACIJI ZA 2023. GODINU						
Mjesec	Broj radnika	Ukupan trošak plate	Topli obrok	Prevoz	Regres	UKUPNO
1	7	47,893.66	1,036.49	71.28	0	49,001.43
2	7	47,567.14	1,457.92	49.90	0	49,074.96
UKUPNO	14	95,460.80	2,494.41	121.18	0.00	98,076.39

Broj specijalizanata je promjenljiva kategorija u toku godine uzimajući u obzir vrijeme početka i okončanja pojedinačnih specijalizacija, kao i odobravanje istih u toku 2023. godine. U toku godine određeni broj doktora medicine sekundaraca stiče pravo na specijalizaciju u skladu sa Planom potrebnih specijalizacija i subspecijalizacija zdravstvenih radnika i zdravstvenih saradnika Zeničko-dobojskog kantona za 2023. godinu, koje je donijelo Federalno ministarstvo zdravstva.

Uzimajući u obzir prethodno navedeno, ovim Programom je obuhvaćeno finansiranje samo bruto plaća do 70 specijalizanata i subspecijalizanata u 2023. godini u ukupnom godišnjem iznosu od 3.000.000,00 KM, odnosno 250.000,00 KM na mjesečnom nivou, a ostali troškovi će biti finansirani iz vlastitih sredstava JU Kantonalna bolnica Zenica.

Transferisanje sredstava JU Kantonalna bolnica Zenica vršit će se na način da se tri mjesečne tranše u ukupnom iznosu 750.000,00KM (za isplaćene bruto plaće za 01/23, 02/23 i 03/23) transferišu po donošenju Odluke o odobravanju sredstava, a mjesečni iznosi tranši (za bruto plaće za 04/23 do 12/23) transferisat će se do 20. u mjesecu za prethodni mjesec.

Na osnovu ovog Programa, na prijedlog Ministarstva zdravstva Vlada Kantona će donijeti posebnu odluku o odobravanju sredstava, kojom će se precizirati dinamika transferisanja sredstava JU Kantonalna bolnica Zenica i način pravljanja odobrenih sredstava.

JU Kantonalna bolnica Zenica je dužna Ministarstvu zdravstva dostaviti privremene mjesečne izvještaje o namjenskom utrošku sredstava za plaće za 01/23, 02/23 i 03/23 do 30.04.2023. godine, a za plaće za 04/23 do 12/23 do 30-og u tekućem mjesecu za prethodni mjesec i do 30.01.2024. godine konačan izvještaj o svim specijalizacijama i subspecijalizacijama koje su finansirane iz sredstava Budžeta Zeničko-dobojskog kantona za 2023. godinu.

Privremeni mjesečni izvještaji sadrže podatke: redni broj, šifru specijalizanta /subspecijalizanta, naziv specijalizacije/ subspecijalizacije, iznos bruto plaće za svakog pojedinačnog specijalizanta /subspecijalizanta i ukupan iznos bruto plaća za jedan mjesec.

Broj: 02- _____ /23

Datum, 11.04.2023. godine

Z e n i c a

PREMIJER

Amra Mehmedić

DOSTAVLJENO:

1x Ministarstvo zdravstva,

1x Ministarstvo finansija,

1x JU Kantonalna bolnica Zenica, putem Ministarstva,

1x a/a